

集部

欽定四庫

集部

三魚堂文集卷二

詳校官左中允 項五珠

助教臣常循覆勘 校對官中書臣王家實總校官知縣臣楊懋珩

腾绿监生臣胡念祖

欽定四庫全書 ・ノニンフェラールトラー種 三魚堂文集 提要 國朝陸隴其撰隴其有松陽講義諸書皆别著 錄是集為其門人侯銓所編凡雜著四卷書 臣等謹案三魚堂文集十二卷外集六卷共 卷尺贖二卷序二卷記一卷墓表誌銘塘 八巻 三原堂文集 集部七 别集類六 國朝

銀定四库全書 哀其奏議條陳表策申請公移而終之以詩 文既非職其所手定則其中或有未定之稿 類編次之蓋隴其沒後九年此集乃出也其 辛已禮徵乃旁搜廣輯軍成是編而屬銓分 刻文字為戒故易簧時篋中無遺稿至康熙 徴政言職其生平不屑為詩古文詞尤以濫 行狀之類併附錄馬目錄末原有其從子禮 記傳共一卷祝文祭文共一卷外集六卷則

火に日本会島 者别為外集夫詩歌非隴其所長別之外集 非徒以講明心性為一室之坐談其兩為縣 可也至於聖賢之道本末同原心法治法理 之學而銓等乃以奏議公贖確然見諸行事 不合於道者固已鮮矣惟是隴其一生篤學 其學問深醇操履純正即率爾操觚之作其 與夫偶然涉筆不欲自存者均未可知然隴 任諫官政績皆卓卓可紀蓋體用無優 三無堂文集

金ピノロ・カノコー 空言而薄實政是豈雕其之古乎此本久行 太極論冠篇而轉以經世之學視為末務尊 未當薄視論政之文揮而外之銓乃徒知以 不可以不辨馬乾隆四十五年五月恭校上 歸一貫周禮惟述職官尚書皆陳政事周公 於世令亦姑仍原刻錄之其編次之謬陋則 孔子初不以是為麤迹即黄幹編朱子集亦 總然官紀的 陸楊熊派士教

and the state of the AME	A STATE OF THE PARTY OF THE PAR	والمستميد وجودها المراشة	a callanta. I	Marine Marie
				總
				校
				總校官陸费婦
				费

Commence	THE COLUMN	 The second	Mark Street	TE A CALL	27 10 20 2	
			•			
						-
						相便
	1	 <u> </u>	) Desired	1	l Torrer	OTHER LAND

えこりう ことする 三魚堂文集 地生物之初言之者惟恐人 内閣學士陸雕其撰 極而在乎明人身之太 極在是矣先儒之論太

在 為人所共由則謂之道以其不偏不倚無過不及則 之中以其真實無妄則謂之誠以其純粹而精則謂 總名也在天則為命在人則為性在天則為元亨利貞 **身切實求之則豈前人示人之意哉夫太極者萬理之** 儒之言陰陽言五行言天地萬物廣大精微而不從我 有無時不然雖欲頃刻離之而不可得也學者徒見先 不知此理之原故遡其始而言之使知此理之無物不 人則為仁義禮智以其有條而不紊則謂之理以其

多定匹库全書

ラススンリラー ハート 察不使一念之越乎理不使一事之悖乎理不使一言 學者誠有志乎太極惟于日用之間時時存養時時省 極之體用一原顯微無間也分而為五常發而為五事 而感通之理已具感通之際而寂然之體常在是即太 之陰靜也感而逐通是即太極之陽動也感而復寂寂 至善以其至極而無以加則謂之太極名異而實同也 而復感是即太極之動靜無端陰陽無始也寂然之中 一動之踰乎理斯太極存馬矣其寂然不動是即太極 三魚堂大集

越乎日用常行之中而卓然超絕乎流俗是太極之不 **身之一念一事而無之非理是一物各具一太極也不** 天下平是即太極之成男成女而萬物化生也合吾身 離乎陰陽而亦不雜乎陰陽也若是者豈必遠而求之 之萬念萬事而無一非理是萬物統體一太極也即吾 也以之處家則家齊以之處國則國治以之處天下則 天地萬物而太極之全體已備於吾身矣由是以觀 布而為五倫是即太極之陽變陰合而生水火木金土

動定四庫全書

求之實而可循故周子太極圖說雖從陰陽五行言之 地 善言太極者求之遠不若求之近求之虚而難據不若 同而是理無不同也飛潛動植有異而是理無異也是 極之在萬物亦若是而已天地萬物浩浩茫茫測之不 理散于萬物而萃于吾身原于天地而賦于吾身是故 見其端窮之莫究其量而莫非是理之發見也莫非是 理之流行也莫非是理之循環而不窮也高明博厚不 則太極之在天地亦若是而已由是以觀萬物則太 三原堂文集

劉定四月全書 肯 也 而朱子解之又推本於敬以為能敬然後能靜虚動直 示人之意亦深切矣又恐聖人之立極非學者可驟及 太極之名而不知近求之身也 而太極在我嗚呼至矣先儒之言雖窮高極深而推其 而終之曰聖人定之以中正仁義而主靜立人極馬其 而繼之曰君子修之吉修之為言擇善固執之謂也 不過欲人修其身以治天下國家馬耳學者慎無舊 理氣論

見見り時色時 支離言其分則以合者為混淆言有先後則不見其合 氣一本之在人心者易見一本之在天地者難知自昔 則可無疑其分合矣又曰理氣本無先後之可言然必 所以紛紛不一也然觀朱子曰理不離乎魚亦不離乎氣 辨理氣者多在于分合先後之間言其合則以分者為 理氣之辨不難乎明萬殊之理氣而難乎明一本之理 一之妙言無先後則又不見其本末之序此理氣之說 推其所從來須說先有是理則又可無疑其先後 三原堂文集

惟有是理則必有理所會歸之處有氣則必有氣所統 多分四月白書 内者皆氣也而其運於氣之內者理也在目為視在耳 能流行不竭者而理氣之本果安在哉今夫盈吾身之 攝之處天下未有無本而能變化無方者未有無本而 灰而第恭夫婦別而朋友信理氣之萬殊者昭昭矣而 為聽在身為貌在口為言君令而臣忠父慈而子孝兄 故中庸曰喜怒哀樂未發謂之中中也者天下之大本 本則在心心也者是氣之精英所聚而萬理之原也

次定四車在雪 亦曰以主宰謂之帝以性情謂之乾張子又有所謂 然易口復其見天地之心正大而天地之情可見程子 心而成化又曰天地普萬物而無心則似乎天地之為 天地浩浩荡荡一氣鼓動而理隨之初無本之可言也 其本果安在哉嘗試以先儒之言推之程子曰天地 以之流爲以之雅魚以之雖其萬殊者固亦昭昭兵而 此其為一本易明矣若夫理氣之在天地者人得之為 人物得之為物日月以之明星辰以之運山以之峙 三魚堂文集

則恐戒謹恐懼易弛而福善禍淫之理將不信于天 附會者多而為萬妖誕之說且接迹於天下執為無心 以具衆理而應萬事而謂造物之理氣散漫而無主字 地之即而詩書言福善禍淫降祥降殃則是蒼蒼在上 心此一本之在天地所以難見也執為有心則恐穿鑿 則理氣之在天地其一本者果如之何亦曰有心而 心馬耳夫人為天地所生氣以成形必有精英之聚 明有主军故天地者不可謂之有心又不可謂之無

欠記回見という 此則氣之所統攝也一本之在人心者能與天地無 思慮無營為百物自生四時自行可感通而不可諂 論大易之所稱詩書之所述皆一以貫之而無殊若夫 則天命之性無少虧欠而萬化之原在是矣程張之所 也可昭事而不可矫誣也其降鑒也出王游行無之不 吾不信也主宰之所在一本之所在也然是主宰者無 非天地之理而此則理之所會歸也莫非天地之氣而 在而不可穿鑿附會也是其為理氣之一本者而已莫 三魚堂文集

之管九寸自京馬鄭蔡以及洛閩諸大儒皆有定說矣 奇而反疑先儒之未必盡當其惑後學豈不甚哉黃鐘 金分巴西台書 逞其臆見以為不如是不足以為奇也天下見其說之 甚矣好奇者之無窮也先儒之成說不難盡更之而自 李文利者出獨主三寸九分之説欲盡廢諸儒舊法河 論備矣又何所庸其紛紛之論乎 理氣之為分為合一而二二而一不離不雜則朱子之 河圖洛書説 K

中則洛書者總其實其象其數旨昭然若白黑雖曰 當及獲朱子河圖洛書之說河圖以五生數統五成數 節皆有定說矣劉收者出獨以九為河圖十為洛書易置 之理未當不可通於書書之理未當不可通於圖而各 圔 ノハラシン **圖書與諸儒之説迥異其好奇逞臆豈非同一揆耶愚** 而同處其方洛書以五奇數統四偶數而各居其所 **圖數十洛書數九自劉向父子班固以及關子明卻康** 以生成分陰陽洛書以奇偶分陰陽則河園者虚其 三無堂文集 固

與義如三墳八索九丘之類不幸而泯滅無傅者固無 泰誓其輕於立論而無忌憚何其甚也夫先聖之做言 此説行則且以圖書為假偽而凡生成奇偶內外正側 古有之而未必如今所傳此其說尤似近理而不知其 之義皆屬無稽朱粲大儒之尊信且等於漢儒之信偽 好奇逞臆更甚於劉牧劉牧之說亂圖書而圖書尚存 有條理夫豈劉牧之所得亂哉近世儒者又有厭圖書 之数繁密而不易究悉欲一切廢之謂河圖洛書雖

敏定四库全書

シノへ こしら だけ 説皆不知量而侮聖人之言者也 易學故家在學者潛心而熟玩馬可矣舍是而别自為 盡廢之自有此議論而凡古告聖賢相傳之精意先儒 大儒馬表章訂定是非燦然矣又惡其繁容而欲舉而 幸而無大儒為之論正則亂之者之是非難明幸而有 流與何所不至哉故吾以為言河圖洛書者有朱子之 極力闡明者皆視為一家之言學者可不必究心其 如何矣幸而如河園洛書之僅存又欲以私意亂之不 三原堂文集

節齊蔡氏云主太極而言則太極在陰陽之先主陰陽 彭定匹库全書 陰陽無始恐説不得未生既生體用可以分先後陰陽 太極者其理已具自陰陽既生之時而言則所謂太極 不可以分先後也 而言則太極在陰陽之内盖自陰陽未生而言則所 即在乎陰陽之中也此一條雖載性理然似未驗盖 中即夏至一陰始生之大正即冬至一陽始生之水 **阅磨先生太極河洛洪範諸解疑** 調

乾之内自具一動靜便自具一中正仁義坤之内亦自 是静愚意繁解乾坤動静似以對待者言以對待言則 至之候見之故周子主靜之意不但謂中仁是靜正義 以静專故動直坤以静翕故動闢乾坤專翕之理于二 也正義坤也又安得謂各自有動靜必欲云各有動靜 有元亨利貞之文若以流行者言則乾動坤靜中仁乾 二物始生其體最靜即繋辭傳所說乾坤各有動靜乾 動靜便亦自具一中正仁義故上經乾坤二卦皆 三限堂文建

欽定四庫全書 所謂未發之中也斯說似無可疑盖以中正仁義配五 朱子總論曰中之為用則以無過不及者言之而非指 為動恐有未安 陽初動之候其動雖做不可謂非動以中正為靜仁義 亦只當以正義為乾之靜中仁為坤之靜若二至是陰 本屬陰然生之者做成之者盛圖固以火為陽盛而居 左矣中不得為未發之中可知若以夏至之一陰言之 行言之則中仁屬木火為陽動時即論其始生之序火

恐不如先儒天圓地方之説為妥 也分奇之一而為一是所謂兩地也此說似直捷然以 謂耦之為畫二實一虚合耦之三而為一是所謂參天 謂以天數五地數五之文言之則自一至十皆謂之數 陽動則固圖之本意也 二實一虚言之則分奇之一而為一亦可謂之參地乎 仁義本注言仁義中正雖有始生運行之分而中之屬 此止可謂陰根陽耳亦不得謂之未發至圖說言中正 三魚堂文集

成之次第而非卦畫所生之次第此發明朱子之意至 言之位言其生數言其成位言其始數言其終其實位 亦數也數亦位也在觀者會通其故而自得之非必真 位言之六七八九為四象已成之數居圖之外故以數 但本義以一二三四為四象始生之位居圖之內故以 可以表著而指計也又云八卦自一至八只是卦畫已 可也又以五位相得言之則自一至十皆謂之位可也 此數箇圈子寄寓于天地之間若者是位若者是數

鉢定四庫全書

沙定四軍全書 然蔡傅只依古本解之亦儘明白似不必方整如後 洪範一篇金仁山黄石齊二先生所考定雖各有精 儀 與數分配 而 卦盡配成數則陽皆配陽陰皆配陰陽生而無成陰成 圖以生成 分陰陽今若以陽儀四卦盡配生數陰儀四 明足為學者指南至圖卦辨疑中欲以河圖生數配 不生非陰陽 四卦以河圖成數配陰儀四卦此則有所未安盖河 相生相成之道似不若仍依朱子以位 三魚堂文集 陽

盖朱子于此篇未常有更定之意故恭氏亦止依古本作 手りし 朱子而後不得復紛更如南果牧野只可許湯武一行 井疆之意此病非小故不佞平生于吳草廬諸書皆不 註嘗竊以為諸經在朱子之時誠有不容不更定者至 文字然後可也書傳雖成于九峯之手然多本之朱子 敢輕信非信目而不信心實以防微杜漸之意不得不 元明諸儒往往見朱子於古經不難改易而逐有自闢 不知君子以為何如然如金黄二先生之議論則亦

我友邻子子昆述其所聞於師者雖與朱子故蒙小有 說易書中本無有雖朱子言之甚著明日易有太極是 數者宗康節既莫能相一自朱子作本義作故蒙始合 出入而可相發明吾嘗怪宋儒學易言理者宗伊川言 而一之可謂集程卻之大成矣而黃東發猶疑先天之 庶幾有以擴學者之貿標而不開其勢 不可不存於天地間似應將不宜輕改之意著于篇末 書周易八圖說後

次定四車全書

三角堂文集

變言參兩言河圖之相得有合雖小有異同而可相 之 地定位山澤通氣雷風相薄水大不相射此先天之卦 是两儀两儀生四象四象生八卦此先天之卦畫也天 位也黄氏則曰未見其確然有合觀其所著之日抄 解易圖以繁解為證一本朱子本義故蒙之意其言卦 反覆論辨直以康節為穿鑿嗚呼道之難明而人意見 不同如此豈獨一歐陽緊詞非聖人所作哉今部 則黃氏之直欲舉先天而廢之者誠過矣 於

自ちし

戡

誓出而得行入於伏生所傳內故并云伏生所出不復 生所傳而言二十九篇者以司馬遷在武帝之世見泰 生獨得二十九篇以教齊魯馬融鄭玄皆謂泰誓非伏 孔疏云武帝時孔臧與安國書曰時人惟聞尚書二十 中河内女子得泰誓一篇獻之與伏生所誦合三十篇 經典釋文云伏生失其本經口誦二十九篇宣帝本始 八篇取象二十八宿不知其有百篇也又云史記謂伏 古文尚書考

火皇日華上書

三魚堂文集

宣帝時始出也或者爾時重得之故于後亦據而言之 河内女子得古文泰誓三篇令史漢書皆云伏生傅 及後漢史獻帝建安十四年房宏俱謂宣帝本始元年 至孟津白魚入舟之事與泰誓事同不知為伏生先為 九篇則司馬遷時已得泰誓以升歸於伏生不得云 説 愚按據釋文則偽泰誓在二十九篇之外據孔疏則 不知為是泰誓出後後人加增此語又王充論

曲别分析但伏生雖無此一篇而書傳有八百諸

侯

十八篇不見孔傳遂有張霸之徒於鄭注之外偽造尚 鄭注同二十五篇增多鄭注也前漢諸儒知孔本有五 所得孔為傳者凡五十八篇為四十六卷三十三篇與 世案今馬鄭所注並伏生所誦非古文也孔疏云壁内 為之作訓馬融作傳鄭玄注解由是古文尚書遂顯于 又釋文云後漢書謂中與扶風杜林傳古文尚書賈達 是合書序言之孔疏則除序言之 為泰誓在二十九篇之内大抵釋文所云二十九篇

SAND WELL ALLIED

三魚堂文集

十四

十三五子之歌十四角征十五湯點十六咸有一德 書序舜典一汨作二九共九篇十一大禹謨十二益稷 於伏生二十九篇之內分出盤庚二篇康王之語又泰 動员四屋全書 誓三篇為三十四篇偽書所增益二十四篇者則鄭注 康王之誥為三十三增二十五篇為五十八篇鄭玄則 古文泰誓除序尚二十八篇分出舜典益稷盤庚二篇 書凡二十四篇以足鄭注三十四篇為五十八篇其數 雖與孔同其篇有異孔則于伏生所傳二十九篇內無

PORTO INTERIOR 也劉歆作三統歷論武王伐紂引令文泰誓云丙午速 篇也劉向作別錄班固作藝文志並云此言不見孔傳 其書以古文又多十六篇篇即卷也即是偽書二十四 録云五十八篇藝文志又云孔安國者孔子後也悉得 七典寶十八伊訓十九肆命二十原命二十一武成二 師又引武成越若來三月五日甲子咸劉商王受並不 以九共九篇共卷除八篇故為十六故藝文志劉向別 十二旅獒二十三冏命二十四以此二十四為十六卷 三魚堂文集

**女亦不見之故注書序舜典云入麓伐木註五子之歌** 注左傳亂其紀綱並云夏祭時服度杜預皆不見也鄭 文又云逸十六篇絕無師説是融亦不見也服虔杜 烏是與孔亦異也馬融書序云經傳所引泰誓並無比 與孔同亦不見孔傳也後漢初賈達奏尚書疏云流為 又註典實引伊訓云載孚在亳又云征是三朡又註旅 云厥篚玄黄昭我周王又註咸有一德云伊陟臣扈曰 避亂于洛內註角征云角征臣名又註禹貢引角征 預

剑穴四周台書

康時又晉書皇甫諡傅云姑子外弟梁柳得古文尚書 鄭與三家同以為古文而鄭承其後所註皆同賈逵馬 **獒云獒讀曰毫謂酋毫之長又古文有仲虺之話太甲** 晉世王肅註書始似獨見孔傳故註亂其紀綱為夏太 說命等見在而云七其汨作典寶之等一十三篇見亡 融之學題曰古文尚書篇與夏侯等同而經字多異至 而云已逸是不見古文也良由孔註之後其書散逸傳 不行以庸生買馬之等惟傅孔學經文三十三篇故

人とり事ととき 「

三無堂文集

金月口月月日 故作帝王世紀往往載孔傳五十八篇之書 右據陸德明之經典釋文孔頻達之書正義其言雖小 傅之全故云並非古文非謂三十三篇亦非古文也 愚案據釋文則馬鄭所註並非古文據孔疏則馬鄭 所註止得古文之三十三篇大抵釋文以其未見孔 又釋文于舜典仍用王肅本而孔疏則用姚方與所 上本今蔡傅從孔疏 書古文尚書考後

PORTO STATE 古文尚書固然信之而不敢疑也惟書小序則斷以為 說話當時人自晓得後人乃以為難晓耳則是朱子於 者皆難讀凡易讀者皆古文然命察沈作書傳卒主古 文尚書又嘗謂門人輔廣曰書有易曉者恐是當時做 杜元凱皆不曾見古文尚書之全又雜以偽泰誓直至 具要之則漢儒如劉歆班固馬融鄭康成之徒以至晉 底文字或是曾經修飾潤色來其難曉者恐只是當時 東晉此書方出是以朱子亦嘗疑之謂不應伏生記得 三魚堂文集

金灰四月全書 偽又為十六卷二十四篇欲以亂安國之古文固雖載 尚書百兩篇欲託于孔子之百篇班固儒林傅既著其 思僥倖欺世孰知碱砆美玉不可同日而論也張霸作 為子貢詩傳申公詩說者彼徒見古文尚書晚出得傳 生時無之而于安國所増二十五篇梅賾姚方與所傳 非孔子筆只是周秦間低手人作又云書序不可信伏 無以其晚出而疑之哉至若近世有為石經大學者有 固與伏生之書並尊不敢以張霸之徒例之也學者

孝經刊誤夫程朱雖賢不能喻仲尼仲尼不敢改魯史 或問春秋載夏五郭公杞子伯甲戊巳丑之類疑則傳 ... 至宋代儒者多以已意删訂經文二程改大學朱子作 疑未嘗輒加增損論語曰君子於其所不知盖闕如也 之藝文志謂之古文經後世卒無傳馬偽書果何益哉 以臆斷孝經大學言理之書理則可以類推或傳疑或 而程朱敢改孝經大學可乎曰春秋紀事之書事不 大學答問八條 三魚堂文集 可

敏定匹庫全書 則 食乎曰漢儒校經首禁私易即禮記子貢問樂一章 者乎曰有程朱之學則可無程朱之學則武斷而已且 經不當如是耶曰朱子何當不如是大學雖經更定而 更定固各有其道也經固不可擅改而亦豈可因噎廢 錯簡而仍其故文未當敢擅為移動但註於其下校 程未而後諸儒之重定孝經大學者多矣亦有可取 經程朱更定聖賢之理如日中天矣復取而紛更之 註其下曰舊本在某處此即漢儒之意也曰然 N. 明

次足り事を言 或問朱子於大學初以為格物只在窮理而補窮理一 何為耶 乎如以朱子之補為煩則文局於義畫之外補象東矣 也 補 節於大學之首繼則又疑窮理不可為大學首功必須 所未言則補之於傳所已言而闕則補之朱子何容心 先涵養而後窮理又補涵養一節於大學之外東補西 涵養須用敬進學則在致知此聖門一定之程於傳 不太煩乎曰是當論其補之是不是不當以補為 三無堂文集 煩

何 或問朱子言古人由小學而進大學其於洒掃應對問 以責之小子將見孩提神聖其說反過于直尋本體專 然則是大學聖功緝熙慎獨定静切琢所難幾者而于 持守堅定涵養純熟夫小學何事小子何年酒掃應對 求心學者神奇百倍而欲以過髙之學歸咎他人非平 之不足而日持守堅定涵養之不已而曰涵養純熟信 孔子於象象之外補十異矣是亦可以為煩乎 功乃欲督之以涵養教之以持守固已異矣且持守

金グピカと言

久足四車全書 守不越乎日用存心處事接物之間故大學有大學之 應對而其心終始如一即是持守事事如此時時如此 中而素習于八條目之先洒掃應對即涵養持守之所 者為持守乎若然則朱子之言誠過矣夫所謂涵養持 情也曰是何言軟且未論朱子之是非先問如何謂之 在也當酒掃應對而其心主一無適即是涵養當酒 涵養持守小學有小學之涵養持守貫徹于八條目之 涵養持守豈以杳冥昏默者為涵養乎豈以矯世絕俗 三無堂文集 掃

或問 雅 之外乎孔子所謂孝弟謹信愛衆親仁學文者皆過高 金岁口 格來也物猶事也其知于善深則來善物其知于惡深 之論乎是何言歟 有若小子不可責之涵養持守則將使之故蕩于禮法 即是堅定即是紙熟何不可責之小子而又何神奇之 來惡物若文成以格為格正之格則本說文格正也 云來也至即來意書曰格爾衆庶故注疏訓格物 格有數義廣韻註格量也度也玉篇云格至也爾 えと言 POR THE MILE 太后議格唐書其議送格皆讀作問至若朱子解作窮 書曰格其非心是也文成又有格去物欲之說則本之 閣如學記發然後禁則扞格而不勝史記廢格事漢書 諸書作量度解為安宁曰至也者即量度而至也究也 加寫字後人取新義寫字而去至字何如據玉篇廣韻 司馬温公杆禦外物解但杆格之格與沮格之格俱音 而又為小變改作窮究非古義矣朱子借古義至字而 至宋後為字書者如元人黄公紹輩皆迎合朱子之意 三原堂文集 主

到定匹母全書 或問王心癖語録云格物者格其物有本末之物致知 物之末則于國家天下求新民之事謂格物之物即 身心意亦物也格物之本則於身心意求明德之事格 者致其知所先後之知其説如何曰家國天下皆物也 者即至之盡頭處也義本相通何得以朱子之解與陽 身然一草一木亦皆有理不可不察此最說得周容不 明 有本末之物固無不可顧程子有云求之情性固切於 例議之乎

大王日時 八十二 或問大學依古本及董蔡諸儒改本則此謂知本此 知之至也並非衍文缺文盖謂知本即是知至乃堯舜 内 教人泛求之天下之物亦不教人盡却天下之物一草 于知所先後知字尚淺在知行之前又何得扯入致知 本末之物亦有綱領條目之分亦不得混而一之也至 且 木非化一一祭之然亦當觸目而識其理安得拘定 即以格物之物專就自心意家國夫下言之與物有 三無堂文集

徳而不必復講新民之方也以條目言之但當知有誠 是言治天下當以親賢為急乃是論緩急非論本末豈 不偏物之意豈不明白而直截乎曰聖賢之學本末無 正修而不必復講齊治平之道也可乎故謂本之當先 至則是一本之外更別無學以 雖 則可謂知本而不必更求末則不可堯舜之不徧物 有先後之序而非可偏廢也如謂知本即是知之 知本之謂乎朱子所以將此二句斷作行文缺文 網領言之但當知有 明

多岁四月日言

本者又非董蔡之所謂本矣自陽明而後專以知本為 ランス・リー・ハー ハート・ラ 或問古之小學乃寫字之學非泛指小子之學也自朱 學于明季諸儒中為近正然作大學通考亦謂此二句 此是不易之論董蔡諸儒復將此二句强作不偏物之 非關文衍文吾不敢附會 格物者皆不可究詰此二句關係學脉非淺顧涇陽之 本則不過欲借知本二字自伸其良知之說其所認為 解未免稍偏然其所認為本者猶未差若陽明之復古 三魚堂文集 圭

學紺珠馬端臨之通考焦竑之經籍考皆不以小學專 之學也從來解經者未嘗以此而廢彼安在其亡耶而 所云凡小學十家四十五篇者此專指字學也若王制 皆小學也是其名固並行 而不相悖也故漢書藝文志 之俱亡是不可惜乎曰字學固小學也一切童子之學 屬字學是一補傳而大學本亡大學本亡而小學且與 白虎通尚書大傅大戴保傅篇所云小學則泛指童子

動玩匹母全書

子認為重學且急著為書而嗣是以後如王應麟之小

中詔 或問自嘉靖中角東豐坊偽作石經大學託言魏政 詩說前輩早已辨之不待今日也特淡泉涇陽偶未 於 こここし ここしい 如今之儒者也曰豐氏偽作石經偽作子貢詩傳申公 近日博聞之士考而正之人始知其偽何淡泉涇陽 又何病乎朱子小學書也 朝雖 耳且淡泉涇陽何可當也其學問之淵深雖時與朱 諸儒虞松等考正刻石萬歷時户曹唐伯元上之 格 不行然鄭炭泉顧涇陽諸大儒皆信其說幸 三原堂文集 一十四 不

**動定匹庫全書** 子相左亦豈俗學可及未可以其信偽石經之誤而盡 没其學謂其及不如今人也 二魚堂文集卷

漢唐之儒崇正學者尊孔孟而已孔孟之道尊則百家 尺三日巨白馬 皆託於孔孟以自 行其說我曰孔孟彼亦曰孔孟而學 之言熄自唐以後異端曲學知儒者之尊孔孟也於是 欽定四庫全書 雜著 三角堂文集卷二 學術辨上 三魚堂文集 贈內閣學士陸隴其撰

多分四月子言 言天理天理之名同而其所指則霄壤矣程朱言至善 静言敬則亦言静亦言敬静敬之名同至所以為静敬 則亦言至善至善之名同而其所指則冰炭矣程朱言 亦曰程朱學者又莫從而辨其是非程朱言天理則亦 尊程朱也於是又託於程朱以自行其說我曰程朱彼 之道復明而天下尊之自宋以來異端曲學知儒者之 者遂莫從而辨其是非程朱出而崇正闢邪然後孔孟 適越而北轅矣程朱之言有可假借者則曰程朱固

火足口車全島 中葉自陽明王氏倡為良知之説以禪之實而託儒之 異龍溪心齊近溪海門之徒從而行之王氏之學徧天 名且輯朱子脫年定論一書以明已之學與朱子未當 若是也有不可假借者則曰此其中年未定之論也黑 知其顯叛程朱之非至其陽尊而陰篡之者則固不得 白清而雅鄭混雖有好古篤志之君子刀扶正學亦止 下幾以為聖人復起而古先聖賢下學上達之遺法滅 而盡絕矣盖其弊在宋元之際即有之而莫甚於明之 三原堂文集

内 拾其所從來非 故至於啟禎之際風俗愈壞禮義掃地以至於不可收 盡絕之也治病而不能盡絕其根則其病有時而復作 稍變然至於本源之際所謂陽尊而陰篡之者猶未能 **弊使天下學者復尋程朱之遺規向之邪說設行為之** 視倫常天下之人恣雕横肆不復自安於規矩繩墨之 裂無餘學術壞而風俗隨之其與也至於寫軼禮法蔑 而百病交作於是涇陽景逸起而救之痛言王氏之 日矣故愚以為明之天下不亡於寇

金八日

えんと言

火足四車全書 盗不亡於朋黨而亡於學析學析之壞所以釀成寇盗 皆知其非又奚待吾之辨惟其似孔孟而非孔孟似仁 言仁義雖意見稍異然皆聖人之徒也何必力排而深 不辨耳或又日陽明之流弊非陽明之過也學陽明之 義而非仁義所謂失之毫釐差以千里此其所以不容 拒之乎夫使其自外于孔孟自外于仁義則天下之人 過耳程朱之學宜獨無流數乎今之學程朱者未必皆 朋黨之禍也今之說者猶曰陽明與程朱同師孔孟同 三魚堂文集

以至债事者亦有矣則亦將歸罪程朱乎是又不然夫 如敬軒敬齊月川之絲毫無疾也其流入于偏執固滞 病矣是豈可徒谷末學哉 滞是末學之獎也若夫陽明之所以為教則其源先已 天下有立教之弊有末學之弊末學之弊如源清而流 陽明以禪之實而託于儒其流害固不可勝言矣然其 濁也立教之弊如源濁而流亦濁也學程朱而偏執固 學術辨中 卷二 次定四車全書 人 之亦至明矣若夫禪者則以知覺為性而以知覺之發 則 動者為心故彼之所謂性則吾之所謂心也彼之所謂 者性之郛郭朱子曰靈處是心不是性是心也者性之 其中所具之理則性也故程子曰性即理也卻子曰心 所以為禪者如之何曰明乎心性之辨則知禪矣知禪 所寓而非即性也性也者寓於心而非即心也先儒辨 又聚而為心是心也神明不測變化無方要之亦氣也 知陽明矣今夫人之生也氣聚而成形而氣之精英 三原堂大集

或界宜其盡舉而棄之也陽明言性無善無惡盖亦指 此而已故其言曰佛氏本來面目即我門所謂良知又 知覺為性也其所謂良知所謂天理所謂至善莫非指 心則吾之所謂意也其所以滅異倫離仁義張皇說怪 而已一切人倫底物之理皆足以為我之障而惟恐其 耳 曰良知即天理又曰無善無惡乃所謂至善雖其縱橫 而 自放於準繩之外者皆由不知有性而以知覺當之 何則既以知覺為性則其所欲保養而勿失者惟是

分り日

次足の車人 者果是而見為非者果非乎又况其心本以為人倫底物 夫未嘗窮究之事其不至於顛倒錯謬者幾布其倡之 初無與于我不得已而應之以不得已而應之心而處 之功而欲持此心之知覺以自試于萬變其所見為是 家之遺棄事物也其為説則然然學者茍無格物窮理 變幻不可究詰而其大肯亦可睹矣充其説則人倫庶 裂也則又為之說曰良知苟存自能酬酢萬變非若禪 物固於我何有而特以束縛於聖人之教未敢肆然決 三魚堂文集

必能盡其精微而不免於過不及是故以理為外而欲 乃吾性所固有而亦當窮完然既偏重於靜則窮之未 也專以靜坐為主則其所重仍在知覺雖云事物之理 者雖不敢自居於禪陰合而陽離其繼起者則直以禪 以心籠罩之者陽明之學也以理為內而欲以心籠罩 可以言性其所以排擊陽明者亦可謂得其本矣然其學 涇陽景逸深懲其與知夫知覺之非性而無善無惡不 自 任不復有所忌憚此陽明之學所以為禍于天下也

金少口人

石庫

者動靜交養無項刻之離耳非如高子因學記中所言 必欲澄神默坐使呈露面目然後有以為下手之地也 以静坐為主則凡先儒致知窮理存心養性之法不得 之謂物格與程朱之論往往齟齬而不合者無他盖欲 之者高顧之學也陽明之病在認心為性高顧之病在 不為之變易夫靜坐之說雖程朱亦有之不過欲使學 之學言盡心則以為盡心然後知性言格物則曰知本 惡動求靜我觀髙子之論學也言一貫則以為是入門

RED IN COMMEN

三魚堂文集

者 木 由是觀之則高顧之學雖箴砭陽 則其學專以知覺為主謂人身有生死而 可 其視天下一 雖 以縱肆自通非若程朱之履絕蹈矩 所以樂趨於陽明而不可遏者有二一則為其學者 源之地仍不能出其範圍豈非 有大賢不免猶蹈其與乎吾常推求其故天下學 而賢者又思求其無生死者此所以羣趨而不能 切皆幻而惟此為真故不賢者既樂其 陽明之説浸淫于 明多切中其病至於 不可假借也 知覺無生死

金与四月五十

とこううという 家之妄耳學者取程朱陰陽屈伸往來之論潛心熟玩 數若夫明之末季潰敗不振盖氣運使然豈盡學術之 自陽明之學與從其學者流蕩放俠固有之矣亦往往 足以維持風俗今曰陽明之學非正學也然則彼皆非 有大賢君子出於其間其功業足以潤澤生民其名節 馬其理亦彰彰矣奈何不此之學而彼之是惑乎 舍嗚呼縱肆之不可易明也至於無生死之說則真禪 學析辨下 三魚堂文集

故也明之衰可以咎陽明宋之衰亦将咎程朱周之衰 之於上始也為議論為聲氣繼也逐為政事為風俗禮 枚 亦 法於是而她名教於是而輕政刑於是而紊僻 也明之衰陽明之道行也自嘉隆以來東國釣作民 行於是而生縱肆 者熟非浸淫於其教者乎始也倡之於下繼也遂持 将各孔孟乎是又不然周宋之衰孔孟程朱之道不 不由於此吾不信也若其問大賢君子學問雖偏 輕狂之習於是而成雖曰喪亂之 , 邪說異

多好四月全書

こうこう こう かんち 之無損於人如此且以為諸公之得力於神仙浮屠 桁者也人見顏富諸公之志行功業則以為神仙浮屠 之顏魯公宋之富鄭公趙清獻旨溺于神仙浮屠之説 由之防而卒為聖門高弟此以學勝其天資者也如唐 勝負之數以為其人之髙下如柴之愚參之魯師之僻 人的卓然者則又有故盖天下有天資之病有學術之病 而志行端方功業顯赫為唐宋名臣此以天資勝其學 有天資僻而學析正者有學術解而天資美者恒視其 三無堂文集

多飲豈其然乎今自陽明之教盛行天下靡然從之其 如 力於風寒善飲之人多飲而惺然而 此是何異見氣盛之人冒風寒而不病而謂不病之得 屠之可及也是故不得因其學而棄其人亦豈可因其 其學之無弊也盖其天資之美而學析不能盡版之亦 天資純粹不勝其學術之僻流蕩忘返者不知凡幾矣 顏富諸公學於神仙浮屠而其人其行則非神 有卓越之士雖從其學而修身勵行不愧古人是非 謂惺然之得力於 疝

多定匹库全書

PLANT DIE CITY 但見明季諸儒為王氏之學者亦有大賢君子出其間 為蝕之無傷于光豈不誤乎嗚呼正學不明人才陷 以物格為知本則其造詣亦豈僅如是而已耶譬諸日 月之蝕然不知其所虧之已多而但指其僅存之光以 惡不指心為性不偏於靜坐不以一貫盡心為入門不 而 不 人而遂不敢議其學哉且人但見顏富之品行卓榮 知向使其不溺於異學則其所成就宣特如此而已 不知向使其悉遵程朱遺法不設良知不言無善無 三無堂文集

金万四屋石雪 以太行恒山並言猶之西銘本從正蒙出而言横渠之 則 恒山之辨紛紛不一 可勝歎哉 |鄭答云太行綿亘數千里恒山自太行分支大茂山 恒山之一奉非專指此為恒山余聞其言乃知禹貢 者並稱西銘正紫耳至大茂山之為恒山猶之乾稱 人以下既汨没而不出而大賢者亦不能自盡其才 恒山辨 一康熙甲子秋余以書問于唐縣鄭

欠足りをとい 滹沱不與古河相涉而取鄰氏程氏之說謂九河之地 按漢書地里志以滹沱為禹貢九河之徒駭蔡九峯謂 此二語也天下山川之名有分有合大抵如斯紛紛之 父坤稱母此二語為西銘之文而西銘之文則固非 巳淪於海深州志載嘉靖時深州知州山陰錢楩云班 里不與西山諸山相接則異乎恒山太行矣 論皆知其一不知其二者也如大伾山在瀋縣東南二 滹沱河辨 三原堂文集 1

古 逆 易音相近呼稍訛耳黄河自南而北易自北而南故曰 皆東注入河滹沱其一也 滹沱正在大陸北不得謂與 以今保定真定諸水為九河逆河皆天作之川禹特 而合之而非分河之謂也又謂漢唐諸儒以九河在滄 固以滹沱為徒駭未必無據 禹時黄河北流西山諸水 南皮東光間者皆非滄州南皮東光皆在大陸正東 河不相涉九河即恒山以東諸水逆河即易水逆與 河相合東行趨入直沽故曰同為逆河入于海盖直

金子巴尼石電

欠巴可戶在書 東光南皮之間又求之碣石之海而謂滹沱與古河不 泰也豐年之時雖賤者猶食泰孔疏云少年特姓大夫 良耜詩日載筐及笞其饟伊黍鄭氏箋云筐笞所以盛 相涉豈無謂哉洪荒之事本難臆斷存之以備一説可也 **貢九河既道之文應在冀州不當在兗州矣先儒求之** 為北播之始易水為北播之終其說似是但如此則禹 且濱海矣又何籍于分播耶大陸北播經有明文滹沱 **泰稷辨** 三魚堂文集

傳云稷似黍而小爾雅云粢稷邢疏云左傅粢食不鑿 稷方華二物大時相類但以稷比泰泰差為早朱子詩 士之祭禮食有黍明黍是贵也玉藻云子卯稷食菜羹 品别有栗米在中品又似二物故先儒甚疑馬今按真 為尼日貶而用稷是為賤也賤者當食稷耳黍離詩孔 為深然則染也稷也栗也正是一物而本草稷米在下 菜者稷也曲禮云稷日 明茶是也郭注今江東人呼栗 疏云黍言離離稷言苗則是黍秀稷未秀出車詩云黍

金分四月全書

定府志有栗有泰有稷而稷下注云土人咸以飯黍為 欠已日年 公雪 非 釀酒之黍也其辨甚明自土人以飯黍為稷而黍稷栗 所謂黃米者黍也黍有粘有不粘不粘者飯黍也粘者 稷愚常合而觀之泰貴而稷賤泰早而稷晚泰大而稷 自烈作正字通亦皆指飯黍為稷甚矣俗訛之難辨也 小泰穗散而稷穗聚稷即栗也今俗所謂小米者稷也 辨遂清然本草已分稷與栗為二種則其相沿之記 ,日矣天故時新城王象晉作羣芳譜近時江右張 三無堂文集

金分四月至書 以飯黍當稷而不用栗是無穀之長也可乎又稷有別 專此名數稷之為栗更無疑矣靈壽春秋祭至聖先師 其多數今土人獨指粟為穀豈非亦以其為穀之長而 之長為諸穀之總名愚按稷賤而小然為穀之長者以 善哉小雅甫田疏又云春官肆師注梁六穀也則六穀 真定府志輯於雷禮雷博物多聞一言而解先儒之感 總為姿天官甸師注粢稷也惟以稷為粢者以稷是穀 穗如狗尾草而味最美者謂之梁詩維糜維岂注云


**火足り車を馬** 之總名皆謬論矣可疑者惟朱子詩傳謂黍苗似蘆髙 儒之説而未改歟 有蜀黍之名乃别是一種非梁亦非黍也意朱子仍先 大餘按泰苗無髙丈餘者此似指髙渠為泰然髙梁雖 之總稱而今之栗在古但稱為梁爾雅異曰梁者黍稷 當之者亦非至若齊民要術云古者以栗為黍稷梁林 也明會典載祭先師用黍稷稻梁是此梁今或以高梁 糜赤粱栗已白粱栗是也朱子鸨羽詩注亦云梁栗類 三魚堂文集

朱子邶風詩傅云茶苦菜夢屬也詳見良耜大雅堇茶 鄭風有女如茶箋皆云茶茅秀乃是茅草秀出之穗非 彼二種茶也依此則即風之茶與周頌之茶是二物而 金グロると言 雅有茶苦菜又有茶委葉邶風誰謂茶告即苦菜也周 告菜俗名曲曲菜詩謂之苦亦謂之茶按詩正義云爾 如飴傳亦云是蓼屬則邶風周頌之茶是一物又正義 頌以薅茶蓼即委葉也鄭於地官掌茶注及既夕注與 茶蓼辨

Day of Land Color 子以其合者言之非抵牾也或疑勢亦有陸生者此則 公茶之别種俗呼為蓼爾 前後儒者所見似不同愚謂草木之類有種一而臭味 之茶一物而有苦菜穢草之異正義以其分者言之朱 别者故茶與蓼一物而有水陸之異邶風之茶與周頌 實勢亦似是二物而朱子詩傅謂一物而有水陸之異 舉水陸穢草依此則茶與夢是二物內則云濡脈包苦 周 頌良耜章王肅云茶陸穢蓼水草田有原有隰故並 三原堂文集 +

多为四月白書 雕 東兩為匹東居則亂而不擊匹處則押 貞静之德容也愚謂后处初不自知為幽間貞静只是如 自不淺露而見其幽自不輕佻而見其閒貞靜可知矣 幽 周南之美后如田窈窕朱子以幽間貞靜解之說者 則淺露輕佻之態形馬不貞不静可知矣勢而有別 楊之擊而有別 雕楊人未常見其東居而匹處四為 則深潛閒則安重深潛而不淺露安重而不輕 幽閒貞靜解 而無别不擊無 佻 此

とこうる ハトラ 之謂也然則周南所以為王化之基者無他亦曰擊而 言經綸大經綸也者擊之謂也經也者有別之謂也漢 故此間貞靜者人之見后妃也擊而有別者后妃所自 儒所云雕然有思者勢之謂也所謂粲然有文者有別 處也孟子言夫婦有别而不言勢者勢不待言也中庸 有别而已 三魚堂文集



全書三無堂文集卷三

詳校官左中允時五珠

教臣常循覆勘 總校官知縣臣楊懋珩

ŊŊ

校對官中書臣王家寫 腾録监生臣胡念祖

**大巴丁里白哥** 殿周之民人指是東后之民人度田非加益而 三無堂文集 而若貢若助若徹何以異 閣學士陸雕其撰 殷周之天下猶是夏后

為 計民非加少夏田五十而殷周遇之其何以給汎疆理 文故費多而田亦多然先王量入為出未聞量出為 不得於是有謂夏之民樸故費少而田少殷周之民漸 下之田盡合新王之制其為騷擾不巳甚歟求其説而 有定制溝洫有定域自五十而變為七十自七十而變 有謂夏之世洞泽方平可墾之田少故授田不得 殷周之世狉榛既遠可墾之田多故授出不得不多 百畝必將移易其阡陌變更其川會然後可以舉天

鱼穴四月全書

然六府既修之後不應多未墾之田徹田為糧之日未 傳記亦未有明據境是皆不達夫立法之意而各以其 開盡開荒之土也有謂殷之七十猶是夏之五十周之 意附會之者也夫地有廣狹民有眾寡勢有便否先王 之田一井十八夫受之殷之田一井十二夫受之考之 之制無來田而言之五十七十去來田而言之或曰夏 疆既悉由售何必虚張其數以胜民耳目也或曰百畝 とこりヨ シトラ 百畝猶是殷之七十尺度有修短而畎畝無增減然井 三無空文集

七十盡為百畝則必有格而不通心欲於一日之內易 宜時勢之所易而其有不便者則固不必盡以吾法絕 所不能强而同也必欲舉一世之田而盡為五十盡為 必不其然然則果如之何曰先王之法亦因其土地之所 之也夏之五十殷之七十周之百畝特言其大略如此 五十為七十易七十為百畝又必扞而難行三代創制 明一王之大典也審勢以合宜者所以順天下之大情 而豈必當日之天下較若畫一即立法以垂後者所以

敏定四库全書

勢而惟一切之法是為則是王莽之周官安石之新法 時候國有疆以周索者有疆以戎索者可見先王未當 也以法權勢而以勢權法是故可改者改之而不嫌其 以私意問民者耳豈先王取民之制乎 以知之日考之周而知之周之世固以徹為法也而當 給噫此立法之意也而紛紛之説可以不作矣然則 異可易者易之而不虞其擾可增者增之而不憂其不 切之法强天下而同之也不然不顧土宜不揆時 何

欠正り屋 公野

三魚堂文集

動分四月全書 必始於經界哉吾知孟子之言度當日之時當日之勢 古今聖賢為政者多矣曷必以經界為始哉奚獨於滕 其膝之勢與齊梁具春秋之時經界固未嘗亂也雖稅 者自不必以經界為急也至戰國而經界盡壞矣自周 溝塗之位但因田以加賦未當因賦以壞田則行仁政 而言之非謂凡有國者皆當如是也盖戰國之時與春秋 邱甲已非先王之舊然但擴其什一之制未常易其 始經界論

久已日日上山村 戰國其緩急固不得不異也然其在齊梁猶緩而在滕 雷强之臣又爭言盡地利之說以阡陌為無益而盡關 今日出師明日略地使人曾不得聚廬而處馬徭賦煩 獨急者何故齊梁之國方且躬兵黷武方且嚴刑重斂 雖有志於仁政將何所憑乎是故經界之在春秋與在 之於是先王溝塗封植之制不可復問矣世之君子 侯皆擴土數圻地大則統攝為難而好獎易起而一時 興至於七國歷歲彌遠其制固不能不就湮且當時諸 三無堂文集

金分里是白雪 法令使人曾不得手足而措馬民方因憊而無如何也 易甸也無攻城略地之擾無頭會箕斂之苦無踊貴屢 界之說且以為後圖何者虚政未去則仁政未可舉也 擾是故其所急者在寬刑斂戢兵戈以與民休息而經 疆壟變其溝洫舉百年湮没之制一朝釐定之國心大 興丁男轉運使人曾不得粒食而飽馬嚴其文網峻其 滕則彈九耳其疆理易考也其山川易悉也其原限 暇議先王之邱甸哉且當政殘吏酷之世而欲易其

**大己司臣公** 得而去也故非謂齊梁之國經界可緩而寬刑斂息兵 後可定則當其未定之先民之因於古制之厘者不知 一賤之酷雖悉索敝賦以供强鄰國且駸駁乎有不真之 凡幾矣夫去患者心先其甚其甚者既去而後其他可 齊梁之團經界壞極矣使必待刑清政簡國內無事然 所以斷然以是為始數或曰經界之始獨滕為然然則 為仁政之始其時當為其勢可為固莫如滕矣此孟子 憂而幸而無事則修廢舉墜固易易也然則清經界以 三魚堂文集

戈正所以徐為經界之計耳使徒知經界之為急而不 察其時勢驟舉而行之其不至病於民者幾何吾故曰 猾吏借以成私而不可究詰豈非不達於時勢之故耶 清其原本乃欲就民間土田較其毫釐分寸徒使奸民 界之意然以開元天寶之荒淫熙寧元豐之紛擾不知 孟子之言就滕言之而非謂凡有國者皆當如是也後 後之君子有志於仁政而欲行聖賢所言者其必審於 世如宇文融之括田王安石之方田亦自附于孟子經

金与四尾白書

表三

見こり見べき 湯 齊景之所為而謂太王為之乎即曰季歷生昌有聖德 說者曰伯之讓讓周也太王有立李歷之心伯知之而 深原乎古人之事而很以已意揣測之者也夫使太王 逃遂使李之後終有天下是為以天下讓嗚呼是未當 時勢也哉 使泰伯嗣位昌為之佐可矣豈遂以是廢長幼之倫哉 果有立季歷之心則亦何足為太王廢長立幼此晉獻 泰伯三讓論 三魚堂文集

動坑四月全書 且如太王果欲立季則是非正也都也伯探其父之邪 志而成之可謂至德乎然則其為讓奈何曰伯非讓周 商道方隆太王何自有翦商之志泰伯又何自以天下 伯非讓周也讓商也讓商也者太伯有翦商之志而伯 也季歷之天下因伯之讓而有而伯之讓不為季歷也 也太王之欲立季歷在伯既去之後不在伯未去之前 之周史太王遷岐在小乙之世繼而武丁中興六十年 不從而周不遽王商不遽七是之謂以天下讓云爾考 7

六七作之賢聖已遠而恭默思道之君猶在民間商之 讓曰是不然武丁之中與泰伯之讓成之也使泰伯不 之資佐乎其後使太王主之泰伯從之商之不祀豈待 世猶其婦文王於卒受之世也而泰伯又以明聖顯懿 不絕如緩而周以積功累仁之後加之以太王之英明 讓則武丁不中與何則史稱小乙之世商道沒衰是時 孟津之會哉泰伯知其勢之不可止也是故以身去之 綱紀盆修德澤盆廣園勢盆强天下歸太王於小乙之

**東記回車全書** 

三魚堂文集

泰伯去而太王以遲暮之年王季又當储位初定之日 金安中居人 稍安而徐俟夫賢聖之君出而振與之此泰伯之志也 紂故六州之事不得不變為牧野之師而名以相形而 在义故逃荆蠻以避之而曲遂其忠貞文王不幸而遇 之權在已故率六州以事之而直行其臣節泰伯之權 故武丁之興泰伯成之也盖泰伯之志猶之文王文王 愈著泰伯幸而終遇武丁故荆蠻之逃止見為家庭之 不能以及遠然後天下之歸周者稍衰商之勢得以

變而名遂相泯而不彰要之两聖人之德則一而已矣 久己日東白島 此夫子懼天下之民不知稱也故表而出之而後世乃 噫泰伯所以為讓者如此泰伯之讓所以為至德者如 矣其不深原乎古人之事而很以已意揣測之也雖然 其故亂矣泰伯之讓而如是也夫子肯謂之至德即甚 以泰伯為讓商是矣以太王為翦商無乃非人臣之義 李礼之徒無異也夫魯隱宋宣子臧季礼之徒春秋談 曰讓周也非讓商也則是泰伯之讓與魯隱宋宣子臧 三魚堂文集

若是也哉 金分四是石雪 權者也太王翦商之志猶武王誓師之志泰伯讓商之 **呼曰不然秦伯守天下之大 經者也太王通天下之大** 太王與泰伯之無異不然以太王之明豈不知泰伯之 心猶夷齊叩馬之心故知武王與夷齊之無異者則知 夫為人臣者以尊主庇民為善不聞其以保家守位為 志以泰伯之德豈不足以感動乎太王而乃父子相戾 衛公子荆善居室論

**设定四車全書** 守備睦强鄰有保境息民之功使天下稱之日衛有人 善以扶危定傾為善不聞其以寡取節用為善使荆也 魚先機則不如遠珠推賢讓能不如公权發攻城野戰 逼國無寧歲削也沈點其間無所建明直諫則不如史 非無事之時也內則君荒於上臣倭於下外則齊晉交 次之足國强兵招攜懷遠號令諸侯擬跡桓文下之修 上之能佐其君復康叔武公之舊翼戴王室比隆豐鎬 馬是為善耳區區居室何足道哉而剃也不然剃之時 三無堂文集

持盈保滿之計若荆者可謂不墜其室矣善則未也彼 原其所由與仇牧前息異矣乃僅節告於家室之間為 公夥乗矢集於肩此亦計窮勢極不能自免故就傷 斬將搴旗不如王孫賈應對賓客善事思神不如孔圍 季札之衛而稱為君子盖其識退守節適與礼相類故 祝說衛之不亡者數人之力而荆無與馬齊豹之亂為 何居噫此夫子之不得已也春秋之大夫驕侈極矣曾 **咄此歎賞以為賢耳豈至論哉乃夫子亦振振馬稱** 卷三

節不凌上不踰分何至横溢如此之極哉是故有臺門 後見寡欲之不易素絲退食之風渺而有不貪為寶者 旅樹之侈也而後見守節之可貴有肆夏八佾之僭也 之無已務富其室而不恤其他曩令盡如荆之循序有 相尚無有紀極大者竊國小者僭擬其禍皆始於貪冒 即以為良臣亦烏几几之度遥而有不侵其上者即以 而後見循分之可嘉有爭田重幣買環請帶之貪也而 三桓鄭七穆齊田鮑晉趙魏衛孫甯之徒紛紛以豪富

久己可睡 八十万

三魚堂文集

貨利此與判之不瀆於貨何異謂夫子不得已而取判 彦夫子之取荆也猶之作春秋而美齊桓晉文云耳猶 為名御夙夜匪懈之節布而有不縱其欲者即以為 充之者也使湯無以充之而區區守不殖之心亦烏能 **豈虺亦不得已而取湯那是又不然不殖質利之心充** 之論仁而取管仲云耳而或者謂仲虺之稱湯曰不 彰信兆民而表正萬邦也哉然則季文子之妄不衣帛 之則可以保四海守之則僅及乎一室荆守之而湯則 殖

多分四月白書

九八丁臣 二十二 此為訓後世猶有不食兄禄如田仲子脱栗布被如公 孫弘者猶有親執牙籌如王戎紫絲步障亦石脂塗壁 文子平仲之儉不可取聖人之慮天下亦詳矣嗚呼以 世雖多爭奪而宋宣曾隱之讓不可取世雖多奢侈而 矣二子之行非中也世雖多詐偽而尾生之信不可取 子欲風有位不取彼而取此何哉曰聖人之論中而已 馬不食栗晏平仲之豚有不掩豆其儉節過於荆矣夫 如王愷石崇者 三魚堂文集

論語原壤夷俟集註謂壤盖老氏之流自放於禮法之 對好匹盾全書 道足容重手容恭正其衣冠尊其瞻視禮樂不可斯須 子心害習與之言壤亦必聞夫子之道而慕之夫子之 夫子豈得而折辱之耶夫子可以折辱之則知其尚有 其墨守老氏則將跳梁倔强如接與荷蕢之不可羈絆 外者愚謂壤為老氏之流信矣而非墨守老氏者也使 可教之機而非墨守老氏者矣何則壤乃夫子故人夫 原壤論

火定四車全書 之意故曰壤非墨守老氏者也可惜者其終不能改耳 教如雅鄭朱紫之不同亦必當於夫子之前强為恭敬 去身此必壤之所素知豈惟素知必當歎其與老氏之 矣東其舊疾之發樂而瘳之此與鳴鼓之攻同一刚克 之時未可教訓至此則漸清乎洙泗之風稍知有禮義 顧其放寫之習決乎肌膚藏乎骨髓雖暫息乎於持之 死登木而歌夫子若為弗聞也者而過之是其狂方熾 際而卒然之間不覺其簽露是夫子所深惜也方其母 三魚堂文集

皆列在七十子內意其必悔過自新服膺聖教故能如 卒不免陷弱如壤者豈不可哀也哉公伯寮季氏之黨 家語弟子傅中皆不見有壤論語自叩腔之後亦不復 使其因夫子之教而克改則當在七十子之列而史記 此冉求聚敛牢予短喪卒成賢者皆此類也惜壤之不 勉子路沮夫子子服所欲肆諸市朝者也而自漢以後 見壞則其終身自棄下明下問下恭下肆禮義不能勝 其氣稟學問不能勝其私欲可知親炙於髙山景行而

金グログとう

欠包引車 白馬 子深青壤則箕仍他達之徒將滿天下無復思憚自壤 者不能也然則夫子之叩果無益乎是又不然曩非夫 者常多為寮者常少甚矣克已之難而變化氣質非賢 脛一叩而萬世知夷俟之不齒其為世教之防維大矣 者子不能自奮則雖親受聖人之提撕警覺如原壤者 能如寮如求如予耳人之賢愚何常之有茍能自奮則 亦終於汨没而況拾其糟粕得其影響者乎然而為壤 雖得罪名教如公伯寮不難登堂入室而況不至如家 三原堂文集

是論孔子為政正名事理合如此設若衛君用孔子孔 金岁四屋白量 不肯北面無父之人若輒有意改過遷善則孔子須先 正名章朱子論之詳矣語類中有一條問胡氏之説只 如稽阮之猖狂孰謂聖人之教無益哉 且壤雖不得列於七十子而一叩之後不至愈甚猶未 既為之臣而為政則此說亦可通否朱子曰聖人必 街 約如此方與他做以姚崇猶先以十事與明皇約 輒論

然後為之相而況孔子乎若輒不能然則孔子決不為 陽明所云令子迎其父父讓其子而不居仍令輒得國 之臣矣此一條答待子為政之肯已十分明白岩如王 蒯瞶得罪於父若使父没而晏然歸國受其子之養是 匡章之所大不忍也而謂孔子肯教削瞶為之平削 類此正是世俗之見未當以義理事勢深揆之也當年 馬即留養其父於宮中盡父子之禮如後世太上皇之 くつり ラーニント 既義不可歸國而輒可安於其位乎此以義理揆之而 三無堂文集

動坑四库全書 肯 見南子能保其不相殘乎況以蒯瞶之暴戾使其歸國 未有义也此以事势揆之而有不可也故為輒計者惟 有不可也且當時南子尚在削贖歸國不知何面目以 事正是如此集註取胡氏之說恐未可謂誤也 泮宫修而魯頌作學舍鞠為園旒博士倚席不講而漢 有奉公子郢而立之斯為求仁得仁孟子論瞽瞍殺 袖手讓其子乎萬一削瞶不讓國人不服衛國之亂 靈毒志論二十 俢

父已り事と与 室惟恐其不華且固而於出身之地曾莫顧而問馬宜 象山九淵萬歷十二年增入陳白沙獻章王陽明守 言之而地方士大夫率多自急其私雕牆峻宇經管家 肘目於因循水如大翁興學於蜀常哀興學於閱盖難 從祀諸賢經界朝論定殆無遺議惟嘉靖九年增入陸 外視馬可矣者論 其日敝哉興起之責吏於其土與生於其鄉者均無膜 道衰學官之關係豈不重哉自明季以來有司困於學 7 三無堂文集

廷楹學者取其長而去其短庶幾為善學三先生者至 金万里人 漢儒鄭康成歴代從祀嘉靖九年以其學未純改祀於 鄉然其所注詩禮現今行世程朱大儒亦多採其言恐 余讀安州志言祀事之失嚴敬曰壇壝廟宇宿莽積塵 三先生雖皆一時賢者然學近於禪與孔門之旨不免 不當與何休王肅單同置門墻之外若以其小疵而棄 '則孔門弟子亦有不能無疵者豈可以一青掩大德 祀論 1000 卷三

た己り見という **粪及祭祀届期蘇戒視為虚文執事何當告戒拂拭者** 欲觀而況如今日乎知禮君子其知畏敬哉其知畏敬 多矣追獨安州哉魯東周禮神白既淮而後夫子猶不 精潔帶泥連草之菁并含蛀家塵之棗栗凡百供陳盡 託僕肆師生不躬親有司不省視嗚呼今天下如此者 濁膩重重滌濯者污垢斑斑疽醢不問生熟養茶未知 神主龕籠傾欹破毀几案皆鳥鼠之迹庭除有人畜之 三無堂文集

以傳舍視官者斯不以傳舍視署然則當民窮財盡之 賢者耳宋太宗謂豈敢望板十得五得一二足矣士之 勘學授方任能而後楚邱作馬斯善矣右輪 彼前賢之一日必革館信宿必掃地者獨何謂乎盖不 署者出政之地也自居之者以傳舍視之而署乃多廢 際則如之何日如衛文公之務財勘農通商惠工敬教 列於科目者思太宗之言豈不當汗出發背也哉前輩 國家以科目取士原非謂所取者盡賢也意其中或有

多分四月月十

大三丁甲二十万 地丁之額不過一時所定自當視民力為上下故禹貢 疑其不同余以為二説一也 賈公彦言其流僧一行推 地則受封雖千百世皆如是占可也太論 其源而已惟山河與雲漢旁之列宿相應故歲星在其 E 特由此以進月而所重初不在此也學者不可不知台 分野之說賈公彥謂古者受封之日歲星所在之辰僧 行謂是山河之首尾與雲漢之升降相應論者往往 三無堂文集

賦法有 故盖因萬歷九年文量是時江陵當國政尚嚴切有 哉余考各州縣折徵糧之法輕重懸殊求其所以然之 謂粪其田而不足則必取盈馬者也豈經久可行之道 敢缺額故各以其原額之糧派於所丈之地地寬者 輕地窄者糧重如元氏縣上地每三畝六分七種四 折徵糧地一畝至下下地則每十一 一定之額責之民也以一定之額責之民此孟子所 上上錯者有下上上錯者有下中三錯者未曾 一畝折徵糧地

多好四月全書

へいうられたけ 寒孤獨盡去之所以額賦縣減如此至萬歷六年天下 户口反減於洪武豈非當時彰恤民隱舉疲癃殘疾鰥 典户口之數洪武二十六年天下户一千六十五萬二 畝以靈壽較之不啻倍旋則枸於額之故也又考明會 户口又復與洪武相等由此言之不缺額者莫如萬歷 三百二十八萬一千一百 有奇以弘治全盛之世而其 四年天下户九百一十一萬三千四百有奇人口五千 千八百有奇人口六十五十四萬五千八百有奇弘治 三無堂文集

之世也而言明祚之盛者必首弘治左氏傳稱尹鐸損 之世也而言明祚之衰必始萬歷缺額多者其如弘治 **筑獨之未得上聞者猶不乏也自承平以來有司謹守** 定點態明之覆轍荒糧逃丁不情豁免民力稍甦矣然 與增額甚矣額之當因時隨地而不可必取盈也國初 晉陽户數而趙氏世賴之其弘治之謂數損額之利孰 原額如天經地義之不可移易鳩形鵠面之人呼天槍 地無所告訴甚則人已亡而不肯删除子初生而責其

銀灰四月白書

九己日奉在事 當差溝中之府稍是册上之丁黄口之兒已入追呼之 學者多言并田然觀周禮載師之士田賈田皆不用井 庶幾乎右論 籍苟無缺額而已遑恤其他嗚呼額之厲民一至是哉 九等之殊是一國之地有井有不井也祝說言魯衛晉 法而左氏傅載楚荔掩定土田自度山林至井衍沃有 之盛而勿學萬歷之弊視其時與地而上下馬吾民其 司牧者誠三思於禹貢之錯法尹鐸之保障願為弘治 三魚堂文集

金分四屋石雪 唐兩稅也今州縣或分地丁為二即租庸調法或合地 租庸調及兩稅元史言元制取於內郡者曰丁稅曰地 斯善言井地者哉至若徵斂之法近代大率多本唐之 地勢言之耳余觀霊壽地形髙下不齊肥瘠各殊其在 有不井也孟子所謂野九一國中什一者恐亦就滕之 之始封有疆以周索疆以戒索之與是天下之國有井 三代以前亦所謂疆以戎索者耶隨其土宜定其經界 此做唐租庸調也取於江南者曰秋稅曰夏稅此做

A CO TIME ZI LIS 差役催役各有利與傅承問有疏言差役之善惟役之 且官催則有定額民催則誅求無已其或犯法究及催 民則仍催役特官催與民催殊而游惰之民充役則 為之欲禁樂者之不為而驅畏者使為之此勢之至難 不善至詳悉矣然良民之畏役已久惟游惰之民樂于 利亦存乎其人馬太論 丁為一而總派於地即兩稅法二法各有利與去獎就 此法行勢必良民陰確游情之民在官以為差役在 三無堂文集 Ŧ

寧元祐大臣所以各持一見而不能定論治者止可因 執事之游民催役之法恐不待後世而始有大抵治之 其與之最甚而稍通融之難以一 謹防之可矣若欲舉其法而盡變之亦未易言也至疏 得失在官不在吏官誠賢則雖催役亦足以為治官誠 中云原設工食除冗役扣解充的而所留者仍給見役 不賢則雖差役亦足以生奸讀此疏者知惟役之害而 利則歸於游情害則及於良民其為與更無窮此照 **獎論也周禮有轉移** 

動坑四月全書

ここうし ひとう 敢僭論之所以推廣先生憂民之心也 五 論 河 在而黄堌之塞止不與馬夫黃河善淡其來遠矣故沿 馬從聘有摘陳漕政一疏內云今日治河之病原自有 既役民而又得其錢也可予先生一時之言未慮及此 還之民或即以補現役之不足者若扣解充餉是朝廷 如役當留則此工食固應給役役不當留則此工食應 此亦可商今賦役書所載各項工食皆民之催役錢也 州縣俱設有淺夫原為挑河而設如夏鎮額夫一 三無堂文集 役法 主

夫八百三十五名雖他處夫數不同總之計道里遠近 丈歲藥埽壩若干處即謂治河得善策矣而不知此朝 惟是前此治河者創為東水滌沙之說處增長限若干 刷 以為多寡自足供一處挑河之用使當水落灘見之時 二百五十四名徐州額夫三十五百一十六名邳州 即率前項夫役於灘淺所在逐段挑深俟伏秋水至衝 三暮四之桁也所謂東水滌沙者果遂能滌之以歸于 一空黄雖善於安得數十年間 河身逐高與城齊也

好定四月全書

卷三

R200至 ALT 信也盖公議治河不满於潘公以水刷沙之論云五論 查勿令虚曠則河道不日深通而壅徙之為患者臣不 覺耳如蒙軟下總河大臣督行各管河官除水漲水 也盖由河官以挑淺則用力勞而無可見之績築隄 之候即率各處之淺夫挑各處之河道總河但時加稽 **取效速而有可紀之功所以相率日習於非而不自** 盡化而為河身矣此與載土實河者何異安得不日高 海乎無論旋滌於此復停於彼且河水暴發併前閱壩 三無堂文集 Ī 則

者皆言在饒陽南而靈壽又有忽凍村兵行間道亦或有 古 動好四库全書 行而入海在靈專者特其上流耳觀山川者其母囿於 齊之分為灘沮也好奇之士見其一拳一顧往往驚駭 行也今志列之曰某山某山者猶江漢之分為沱潛河 余聞之太行綿亘數千里傍真定諸縣之山大抵皆太 而嗟異之而況觀太行之全勢者乎滹沱慈水皆穿太 **隅哉右論** 蹟信而有徴斯足貴馬如漢世祖滹沱水合之事談 川

九三丁月白雪 明 女之樂遊損財海淫廢時失業恒因之故古蹟鮮少地 峯一石之美一亭一臺之異一水一碑之佳而賓客絡 方一幸斯為民生利病起見固君子之言哉然果係古 繹上司往來供億費煩地方受累甚至釋道之募棲士 覽以云雅致韻事則得矣然往往有一邱一堅之奇一 於河上大書特書曰光武冰堅可渡處此豈春秋書夏 之然不可考矣疑則傳疑可也萬歷中知縣周官立碑 五郭公之意哉至若寧晉志云邑有名勝可以登眺游 三魚堂文集 重

動玩四月百章 豹 琦 寧勿以遊覽病民致憂時君子歸怨於古蹟則可矣論 膭 不然山海經博物志不賢於三百篇哉 物 木之名豈欲其廣異聞資談說已耶夫亦民生日用之 物生於天而成於人嘉禾必植根莠必剪雞豚必畜虎 必遠要使各得其所而已孔子言學詩多識鳥獸草 亦何忍聴其湮沒也使好奇之士聞此言而慄然不 有天下國家者所當裁成輔相學士不可不知者耳 ·右論 物產

てつしてき シャトラ 宗廟及古帝王有神祠者又七日乃修雩祈神州宋興 之自宋始也至廟貌冕服擬於王者特世俗從二氏之 始有五龍廟及九龍堂之祈盖龍神之祀於古無聞有 古者祈雨天神則有風伯雨 龍 乃祈社稷及古來百辟卿士有益於民者又七日乃 唐間祈雨 耳 王者何其地祇之主龍者敷抑古恭龍御龍之類 龍右王論 初祈嶽鎮海瀆及諸山川能興雲雨者七日 三無堂文集 師地祇則有名山大川 声

老嗟貧誇多屬靡嘲風美月之解則無取馬韓退之文 藝文志上自廊廟得失下至問問疾若無所不録惟歎 號起衰然感二鳥賦上军相書皆其少年作君子恥之 李白詩何用如何不學好人却去學醉漢彼于藝文旨 司馬相如上林子虚載在漢史然黃東發謂文所以載 超軼絕偷猶然可鄙況尤而效之者乎易六十四卦三 百八十四爻未當言太極然無非太極也若此類於太 理豈有不關義理而可言文張幹臣先生有言後生學

銀定匹库全書

人二日子 二丁 蟲八也孔類達疏云王肅分貓虎為二無昆蟲鄭數 敗故知孝義游俠之分則可與論世可與守身矣右 之士未見表章而劇孟郭解之徒顧津津稱道之長輕 薄之風而滋驕横之習何其陋也嗚呼此其所以為 也農三也郵表畷四也貓虎五也坊六也水庸七也昆 世治則重孝義世亂則尚游俠太史公作史記於孝義 極 **蜡見於禮記郊特性鄭康成註云先嗇一也司嗇** 何有哉る 藝文 三魚堂文集 二十五

蟲合貓虎者昆蟲不為物害亦是其功或疑昆蟲害苗 書所侈陳者大吕存于元英故鼎反乎磨室而吊民誅 昌 也鄭孔之説何病又按古祭八蜡在十二月近代則於 暴不及馬豈猶未免戰國氣習數至其語意藹然有仁 春 不當祭似王説為優不知祭非祭昆蟲乃祭主昆蟲者 國 秋丁祭之後盖取春祈秋報之意亦各有其義也右 君熟名德器前史載之詳矣余獨怪其報燕惠王

釕定匹库全書

尺三日里 公子 於天壤問者雖地靈固殊哉亦由其發奮刻勵能自 伐不冠帶不見吏平生未嘗言人過失則類非諸将 勝棟梁之任者繩墨之功也余觀前代名臣磊磊落落 五生於山而成珪璋之用者琢磨之力也木生於山而 所能及矣然則謂之為宋良将第一不亦宜乎 掀揭然猶有及之者至於善戢下不妄殺一人不自矜 人君子之風雖儒者豈能遠過之哉五論 稱曹武惠宋良將第一及考之史其開國元熟固 三無堂文集 樂教 右論 曹彬 自

動分四月全書 乃是訓話記誦詞章之習豈性學哉故定傳即以本末 於流俗也人苟能自奮何可限量耶雖洙泗洛閩無不 唱此知本性學尊經者尊此性學之經立志者立此性 傅為致知格物傅 涇陽以為致知不必窮至事物之理也窮至事物之理 學之志審幾者審此性學之幾非率人入空門而何 可幾及而況樂曹諸公乎 大學説 = 右 名臣

五倫本於五性而成親義别序性之五善確有可據 知本説

辨之確矣尚取其致良知之說何數更定大學不遵未 涇陽信服乎良知單排宗古其誤難窺大學知本明明 子以補傳為非說得關關突突洗淪於釋學其失易辨 **必懸空説一察字涇陽不指點破何耶陽明四句宗旨** 何

たこり車へい

性存矣

有

明德修身必渾言性善乃曰善者性之實也善存而

き

多好四周白書 而三達德靡所用全向氣上發露而佛家之明心見性 専以知覺運動者言人與物同蠢然之性也斷絕五 子生之謂性之性西土則有佛家作用是性之性兩 五性合三達德乃是聖學之性異學之性中國則有告 無吾性之知仁勇 明提致良知驅人入禪涇陽提知本講性善亦驅 性學說 白鹿洞規説 性 性

倫有多少當窮學如不及猶恐失之 子以友輔仁共勉於五倫之躬行而已不必提宗也五 スコリラ ニト 而已誠正修工夫必在約禮日用之作止語點禮也君 日之四書五經文君子以文會友講五倫之可躬行者 虚言善也認差可欲為善之旨格致工夫必在博文今 入禪人人祭性為學談性為問認性為思証性為辨 錢子辰字説 東林會約說 三魚堂文集

夫向者之不聞道也因改其名曰民而請字於余且問 學馬余告之日子何以改名為哉自古聖賢豈皆生而 錢子子辰初名樞一日有志於聖賢之學奮然曰吾惡 其未學則人聞其名而忽之賤之及其既學則人聞其 聞道者耶盖亦有始為庸人一旦發憤而力學者矣方 之污也子辰志於學而改其名是亦彈冠振衣之意也 然吾闻之新沐者必彈冠新浴者必振衣惟恐其舊染 名而重之敬之名不變而聞其名者變矣何以改為哉

舒定匹库全書

卷三

**欠已印奉公告** 其道不計其功已所不欲勿施於人行有不得反求 善改過其處事而接物也不過日正其詛不謀其利 問思辨篤行其修于身也不過忠信篤敬懲忿室欲遷 過君臣父子夫婦長幼朋友其教人用力之方不過學 夫聖人之道始乎早極乎髙始乎邇極乎遠其為道不 名而仍其字母乃名與字不協乎余曰何為其不協哉 吾初之名樞而字子辰也盖取北辰天樞之義今改其 且業已改之矣然則請改其名而仍其字可乎子辰曰 三魚堂文集

聖學備矣中庸日夫婦之愚可以與知則民之謂也及 如辰子辰誠審乎民之義則守其庸言庸行循伯乎規 之則也今夫天下之甲且遇者莫如民而高且遠者莫 極則至於位天地育萬物是故早者髙之基也週者遠 其至也察乎天地則辰之謂也論語曰下學而上達下 矩之中而勿躐等以進誠審乎辰之義則以聖神為必 巳初無髙遠難行之事香冥昏黙不可知之理而造其 可學以祭贊為不足異而勿半塗而廢始乎民終乎辰

金分四屋台電

たこり見とう 學者民之謂也上 一達者辰之謂也子辰勉之哉

The second second	-	781 17 27 27 25	- THE RES			-		ber 4
三魚堂文集卷三						·		動坑四周全書
事								
人								
الله			,					
								塞三
H								_
	į							ĺ
								'
1								
1								
		<b> </b> *	!					
<u></u>	<u> </u>	<u> </u>	1	١.	l		ا ا	١